

欽定剿平三省邪匪方略

欽定剿平三省邪匪方略附編卷九

丁卯年

正月初十日

壬子

德楞泰勒保全保方維甸薛大

烈奏言

臣

等遵

旨查訊方柴關潰兵一案茲蘇勒芳阿田朝貴游棟
雲俱至漢中並傳楊遇春到來遵

旨將蘇勒芳阿革職拿問先向楊遇春詳詢據稱九
月十七日兵抵兩河口探得賊蹤向西奔竄楊

遇春等卽挑派固原漢中川北河州等營出敵
官兵二千餘人滿營馬隊四十人綠營官弁馬
隊二十五人十八日寅刻發兵內有自告奮勇
新兵一千餘人先行進發遇見前起賊匪卽奮
力迎剿登時殲擒多名賊卽敗向東竄馬步官
兵分路追下搶獲騾馬器械官兵俱由山上分
路追捕攙越競進不能仍依原隊有向林內搜

賊者有解送所獲賊犯者有追賊前進者各楮
岡皆有官兵惟自告奮勇兵三百餘人先到近
賊山梁如固原川北河州漢中兵丁皆在其內
原不止川北兵一隊蘇勒芳阿與彥丕勒分帶
西安馬隊四十人並楊遇春派出綠營馬隊二
十餘人在山下遏賊抄截之路適大駭馬賊約
七八百人由拐里順山溝衝來馬隊官兵不過

六十餘人往來衝壓蒲大芳卽於此時受傷馬
賊復拚命撲入衆寡不敵蘇勒芳阿右腿受箭
傷一處楊遇春曾經親驗因傷輕未經具報所
乘之馬左肋亦受箭傷前鋒穆騰阿當卽陣亡
佐領巴杭阿等四人俱受矛傷其時山岡賊匪
與步兵抵禦者愈聚愈多且有伏賊突出約有
二三千人步兵盡力攪殺殲賊匪維時陣亡

固原提屬額外外委石崇德一員兵八名漢中
兵五名川北兵七名河州外委馬登雲額外外
委田自秀二員兵十名又傷亡河州兵二名又
受傷固原提屬把總楊仕傑孔登元河州千總
候補守備趙洪周額外外委馬成林四員陝甘
川北兵丁五十一名因陣亡受傷人多各隊力
不能支悉順橫梁西面退下馬隊官兵亦站立

不住扎克塔爾楊遇春先後接應業已勢不可
又彥丕勒猶射斃數賊其馬亦被賊矛戳斃馬
步官兵且戰且退係副將祝廷彪帶兵殿後及
過小板橋後楊遇春復與蘇勒芳阿抵禦總兵
游棟雲原派在方柴關附近第一橫岡下帶兵
接應因賊勢猖獗就地擊營放鎗擊賊該匪又
另分一股繞路抄出營盤之後因營未擊完

墻尙有空缺賊匪從缺處衝入河州官兵祇得
退出扎克塔爾等收兵在方柴關堡內守禦楊
遇春仍帶副將祝廷彪等親身往來衝殺漸次
撤至方柴關時已申酉之間賊匪層層圍住一
見楊遇春卽便乞降等情復令蘇勒芳阿與田
朝貴游棟雲互相指証據實登答據蘇勒芳阿
供稱我帶滿營馬隊四十人與綠營馬隊二十

餘人俱在橫岡下平川地方山上步兵三百餘人各隊相雜因賊匪分撲步兵馬兵俱各抵禦不住退回不敢推諉我退過小橋時同楊遇春督率抵禦漸撤至方柴關並非徑行衝散又據田朝貴稱我與副將祝廷彪在山上督催各兵是日大霧瀰漫陝甘川北各處兵丁在山上與賊攪殺多時賊來甚衆林內伏賊又出各兵俱

行退下此處山梁是南北山腿西面坦坡處處
可下並非有數人先散不敢妄指據游棟雲供
稱是日官兵均向前追賊楊遇春派我在方柴
關接應因見官兵被賊一齊壓下我就飭令河
州兵拏營抵敵不料營壘未會拏完賊又另分
一股繞過後路從缺處衝入官兵站立不住至
前敵官兵係何人先走我未親見不能指出各

等語

臣

等查楊遇春蘇勒芳阿田朝貴游棟雲

等所述打仗情形山上前隊數百人實係各隊相雜不僅川兵何以與鳳安趙洪周前言川兵先潰情節不同復令伊二人面加質對據鳳安稱我趕到前敵時山上賊人甚多與步兵攪殺多時抵敵不住各兵從山腿西邊全行退下那時霧雨瀰濛遠處看不見只見有川北字樣旗

號總兵田朝貴在後督催不能攔住其餘各隊
旗幟不能辨認等語據趙洪周稱我是在綠營
馬隊內打仗山上步兵與步賊攢殺全行退下

我本是四川人認得川北遊擊劉元明把總高
耀藍翎馬兵冉貴同大衆退下其餘各官兵都
不認識我想川兵在前必是先走所以前供川

兵先走的等語臣等以案關重大自應將川北

將弁兵丁調到並查傳在前隊之西安滿營固

原漢中河州等兵到來彼此質証究係何隊何

人先走方可水落石出臣薛大烈於二十九日

到漢中正在會同集訊間適臣勒保接據太平

協副將羅思舉太平廳同知袁仕繡稟報綏定

兵丁滋事臣勒保係本省總督卽應星夜回川

剿辦且查前敵川兵卽係川北新兵現在擬調

該鎮兵丁剿賊未便紛紛提質致啓驚疑若川
北兵丁未到仍恐陝甘各營將弁無從指實互
相推諉臣等再四思維相應請

旨暫緩提質俟川省剿辦事竣再行嚴究

同日德楞泰勒保全保方維甸薛大烈又奏言

臣

勒保於十二月二十九日酉刻據四川太平

協副將羅思舉署太平廳同知袁仕績稟稱轉

據東鄉縣馳報有達縣丁役杜朝翰奔至東鄉
之大成寨口稱二十二日三更時綏定府城內
新兵滋事焚燒衙署搶劫居民文武官員不知
下落等情上等接閱之下不勝駭異查綏定府

城營制係川北鎮所轄添有鄉勇入伍新兵今
敢乘夜搶掠焚燒衙署不法已極究有賊數若
于如何起事官員是否被害未據明晰稟報惟

山內游手匪徒聞風附和易於聚集目下川北
鎮田朝貴業已解任前來漢中附近綏定地方
並無重兵必應趕緊徵調厚集兵力一鼓殲除
庶不致蔓延勾結臣勒保前調防邊川兵因寧
陝換防之兵均已安靜起程業經撤歸營伍現
令解任總兵田朝貴取道平溪壩一路就近回
川先調川北兵一千名前赴綏定進剿尙恐兵

力稍單並飛調松潘兵二千名永寧等營兵一千名重慶兵一千名前來剿辦各處官兵雖松潘較近然至綏定程期總須正月二十四五日方能到齊臣勒保現已起程由廣元保寧行走一俟松潘兵趕到卽帶領馳赴田朝貴一路督剿彼時如賊匪西竄卽可迎截並可固住賊竄嘉陵江之路其永寧重慶官兵應由順慶行走

臣

勒保已飛咨提督豐紳卽帶此項兵丁前來
會剿至將軍特清額現署總督事務成都省城
緊要不可無大員彈壓亦一面飛咨特清額無
庸出省再陝南漢南一帶在在與川省連界而
定遠西鄉與川省太平廳相近綏定府卽在太
平廳西南萬一賊匪北竄卽可入陝亦須預爲
布置

臣

德楞泰現調滿營馬隊二百名軍標兵

五百名臣全保臣方維甸擬調寧陝陝安漢中

等營兵二千名固原兵一千五百名河州兵一

千五百名並調總兵吳廷剛張鳳卽來漢中以
便續派前往仍預備甘涼官兵用時再調如能
迅速蒞事卽行停止臣德楞泰受

恩深重不敢稍分畛域臣等現擬就近先爲挑派寧

陝陝安漢中等營新兵二千名並尙未撤回之

固原兵二百餘名交

臣

薛大烈並楊遇春等赴

邊界察探賊情如賊匪向東北奔竄距陝較近

臣

薛大烈同楊遇春等卽行入川會剿

臣

德楞

泰侯軍標固原等營官兵調到一二千名卽帶

同解任之總兵游棟雲等馳至定遠一帶相機

督辦如陝兵入川邊界尤須嚴密

臣

全保亦卽

帶吳廷剛並河州官兵前赴西辦一帶邊界防

堵臣方維甸在漢中一帶督辦後路彈壓地方

並查在營新兵務期兵食充裕民心鎮定不敢
稍有懈怠再查蘇勒芳阿此次獲咎甚重業已
遵

旨革職擊問自應恭候

欽定罪名惟應行質訊之弁兵等均未調齊一時尙
難結案查蘇勒芳阿出兵七次向來打仗奮勇

得過功牌二十三個並經兩次受傷所有此次

調出馬隊臣擬卽令其自備資斧在前敵帶領

臣緊隨督催設有退縮不前立卽正法又副都

統祥保欽奉

諭旨飭令來京聽候部議本應卽令起程惟滿營現
無大員應俟

簡放之員到任再令進京

十一日

癸丑

德楞泰全保方維甸薛大烈奏言

臣

等奏報綏定府城新兵滋事一案茲於初四日酉刻續據署寧遠廳知府朱秉忠都司呂天俸稟稱探得四川副將桂涵等帶領前此派出巡緝兵勇於十二月二十七日行抵綏定府亭子舖聞該逆等在麻柳場地地方遊奕隨即率領兵勇追往剿殺大獲全勝已將爲首叛兵孔傳仕

王得先並劉姓等三名擒獲其餘殺斃生擒者甚衆餘匪僅止二十餘人現在緊跟搜捕指日即可竣事等語旋據太平廳袁仕繡以勒保尙在漢中差役姜清何泗朝二名實稟前來所稟亦屬相同並面詢該役等據稱綏定城文武並未受傷各等情查此起叛匪未及一旬卽經撲滅此皆仰賴

聖主洪福得以迅速殲洗實屬大快人心其所剩二
十餘人月內自己悉數擒獲臣等前擬酌派甘
省官兵尚未擬調其滿營軍標並陝省綠營官
兵現已飛檄停止理合恭摺奏

聞上慰

聖懷至叛匪等起事緣由並糾集人數及在事出力
將弁兵丁勒保自卽詳查具奏奏入

上命軍機大臣傳諭德楞泰全保方維甸薛大烈曰
本月初十日申刻據德楞泰等奏到川省綏定府
城新兵滋事一摺當卽指示一切令軍機大臣擬
寫諭旨欲於次日發去十一日早間據德楞泰
等奏到接據川省文武官員稟報綏定滋事叛匪
業經副將桂涵等帶兵於麻柳場地方剿殺全勝
將首逆孔傳仕王得先並劉姓等三名擒獲其餘

殺斃生擒者甚衆餘匪僅止二十餘人現在緊跟
搜捕綏定文武官員均未被傷等語川省綏定新
兵敢於糾衆焚燒衙署搶劫居民不法已極實堪
痛恨茲仰賴

上天嘉佑得以迅速撲滅不致蔓延荼害生民實深欣
慰已另降諭旨令勒保卽馳赴綏定查明起事緣
由並剿捕出力人員據實具奏德楞泰等接到稟

報已將前此調派之陝省滿營軍標並綠營官兵
飛檄停止現在陝省邊界寧謐無事但飭知毗連
川省文武官弁如綏定剿剩之餘匪二十餘人有
潛行逃竄入界者立即拏獲報明嚴辦其方柴關
潰兵一案昨據德楞泰等已查明大概情形係屬
先勝後敗尚非遇賊卽退此時勒保已回川省諭
令查辦綏定叛匪事竣後卽接查川北潰兵之事

不必再來漢中所有西安滿營及陝甘綠營官弁
兵丁前此潰逃情罪著德楞泰全保方維甸薛大
烈卽會同提質明確奏明懲辦

上又命軍機大臣傳諭勒保曰據德楞泰等奏報綏
定叛匪業已就地撲滅並生擒首逆孔傳仕王得
先並劉姓三名各情形覽奏實深欣慰此起叛匪
未及一旬卽經全數撲滅實仰賴

上天嘉佑叩感不盡但此次該匪等因何起衅糾集究
有若干人副將桂涵等帶領兵勇行抵亭子鋪聞
該逆等在麻柳場遊奕當卽追往剿殺大獲全勝
擒獲首逆又係如何打仗得勝卽能擒獲首逆其
孔傳仕等三名是否實是爲首之犯該副將等有
無節詞希圖邀功情事此外尙有首逆與否孔傳
仕等三名是否卽係桂涵擒獲抑尙有官弁幫同

出力著卽查明具奏候朕施恩至餘匪二十餘人
現竄何處會否悉數捕獲綏定府倉庫監獄會否
被賊劫掠居民有遭蹂躪者亦當查明量子撫卹
勒保回至綏定自己查詢明晰並著一一據實詳
細具奏其孔傳仕等三犯當提集嚴訊如實係首
逆卽當凌遲處決所有餘匪二十餘人必須嚴拏
務獲概予駢誅勿任一各漏網至起事根由尤當

訪查確實並可向孔傳仕等三名嚴切訊究如究
出地方文武果有擾累激變情事則當先將首逆
等懲辦後再將應劾之員參奏懲辦如地方文武
實無他故而於所轄兵民謀逆滋事漫無覺察亦
應將該管員弁查參示儆至此事辦竣勒保可不
必復至陝西卽將川北官兵前次臨陣潰散一事
向田朝貴等訊究明確定擬具奏

十三日

乙卯

勒保奏言

臣

因綏定賊匪滋事之案

初二日星夜兼程前進於初五日行抵廣元途

次接據川東道嚴士鉉署達州營遊擊塞普徵

額署綏定府知府王世燾達縣知縣余永寧稟

報十二月二十二日夜四更時分城內四面火

起新兵孔傳仕王得先王明榜爲首率領數十

人打毀守備衙門搶去營庫存銀口稱額設糧

餉不敷日用要與營員鬧事不與文員相干各文武率領兵役查拏遊擊塞普徵額腰肋俱受棍傷各匪手執矛棒復乘火蜂擁打入監門典史王良佐帶領家丁禁卒人等抵禦當被該匪等用棒毆傷石腿甚重并殺死該典史家丁王泳受一名兵役多有受傷各匪打開囚籠鎖鍊引出囚犯數十人出城焚掠并脅逼民人入夥

至次日已有二百餘人該營守備王國雄是否
被害未據稟及該道因附近綏定地方並無重
兵督飭府縣飛調團勇併力追捕二十四日生
擒旗手蒲洲倖一名及被擄入夥之張順楊友
倖二名餘賊向大竹新寧一帶奔竄等情臣查
前次剿辦教匪事竣後凡軍功鄉勇有情願入
伍者

奏准分撥各營令其食糧當兵達縣營兵共收入
新兵八十餘人除陸續過制補額外尙有六十
餘人茲竟敢謀叛逞兇效尤寧陝之事殊堪髮
指亟須整兵進剿除前已調派各兵外現據太
平協副將羅思舉稟報該協前因陝匪未靖經
臣派令帶兵在邊界巡緝茲已帶本汛官兵前
來追剿又據夔州協副將桂涵報稱該協帶兵

數十名巡哨至新寧一帶一聞此事卽趕調本
汛官兵進剿查桂涵羅思舉均係剿賊得力之
員今所帶兵力俱屬無多臣已飛飭該協等會

合夾擊頃據道員嚴士鉉署知府王世燾知縣
余永寧等稟報達縣團首文生王三立武生楊
騰魁又團首周世明聞信各帶領團勇百餘人
跟蹤剿捕二十五日在二郎壩趕上向前擒捕

該匪等拚命抵拒當被團勇等殺死賊匪二名
戮傷賊匪數名生擒賊目王明榜旗手趙仕清
周遠二名並逃出被擄難民八名該匪等向白
節灘景市廟一帶竄去適副將桂涵亦帶兵趕
到卽將團勇交桂涵管帶署達州營遊擊塞普
徵額亦挑帶兵一百二十名隨同桂涵進剿等
語查此事前接太平文武稟報該匪等焚燒衝

署搶劫居民文武各官不知下落臣以事關重

大不得不調派多兵今核查嚴士鉞等所稟情

形人數無多有桂涵羅思舉帶領兵丁團勇緊

躡進剿不難尅期集事臣一面將所調各處官

兵酌量停止並知會德楞額全保方維甸查照

酌辦

同日勒保又奏言臣於初五日行抵廣元具奏

綏定叛逆滋事情形後茲

臣

於劍州途次接據

嚴士鉉等稟報二十七日賊匪由景市壩竄往

麻柳場檀木場一帶焚掠經桂涵帶同署達州

營遊擊塞普徵額率領兵丁知縣余永寧督同

候補縣丞李德薰率領團勇分路兜圍至檀木

場地方接仗該叛匪等亡命抗拒兵勇奮力攻

剿當將首惡王得先孔傳仕劉金定三犯生擒

並將旗手李升等百餘人全數殲除並無一名

漏網等語

臣

查該匪王得先等本係隨征鄉勇

事竣後情愿入伍既已衣食有資乃膽敢藉口
例餉不敷縱火劫獄毆傷職官並搶劫存營餉
項出城焚掠傷人實屬罪大惡極茲仰仗

天威數日之間全行撲捕不致蔓延且使各處新兵

聞風震懼可期反側潛消

臣

現已飭將各犯等

押解綏定牢固監禁聽候臣前赴該處親提審

辦至平日該營員有無剋扣苦累情事臣亦卽

撤底確查其被劫獄囚內已自行投出十五名

容照例查辦臣拜摺後卽兼程前進均奏入

上命軍機大臣傳諭勒保特清額曰勒保行抵廣元
據報達州營叛賊滋事情形並在劍關所發六百
里奏到官兵生擒首惡殲除黨夥全數辦竣二摺

覽奏實深欣慰叩感

六恩之至此次起事根由據稱該首逆等搶劫營庫存
項口稱額設糧餉不敷日用要與營員鬧事不與
文員相干等語可見地方文員並無擾累營伍情
事此次復能率領役勇查拏剿捕實屬有功無過
至營員等經理兵餉如果實有例外剋扣苦累激
變情事自當嚴叅懲辦但亦必須先將叛匪等審

明辦竣後再將應劾之員分別奏辦不可使該匪等聞知致長刁風若營員等給發糧餉並無例外剋扣則國家養兵餉項自有定額該匪等何得藉詞不敷日用公然謀逆或該營兵餉有因從前應扣款項營員等係奉文攤扣者則辦理亦無不合其咎止於失察况如塞普徵額此次因查拏匪夥受有棍傷旋又帶兵隨同進剿勒保當詳細查明

統於事竣後將失察各員核其此次會否出力酌
量功過據實具奏至桂涵帶同署遊擊塞普徵額
督兵進剿迅速擒渠賊事實爲出力該副將卽係
鄉勇出身今能奮勇効命可見鄉勇中實有能爲
國家出力者自應優加獎擢桂涵著賞加總兵銜
仍交部從優議叙其知縣余永寧等率領團勇分
路兜圍文生王三立武生楊騰魁團首周世明各

帶團勇剿捕均屬奮勉此外如尙有在事出力員
弁著勒保詳細查明一并分別等第保奏候朕施
恩其典史王良佐因保護監獄受有棒傷管獄家
人王泳受被賊戕害及受傷陣亡兵勇人役應照
例各加卹賞被刦獄囚內自行投出之十五名均
著查明照例辦理其未經投回及從賊各監犯並
著查拏務獲毋任漏網至首逆王得先等三犯勒

保現已回至綏定當將該首逆等審訊明確按律
凌遲卽於該處傳首示衆俾匪徒共知炯戒其餘
從逆各匪訊明後均卽正法至監犯從逆充當旗
手之趙士清周遠二犯自當加等辦理現在勒保
未能卽日回省特清額仍當駐省妥爲彈壓至勒
保查辦事竣不必再赴陝西亦應卽回省城著卽
暫駐綏定查辦川北潰兵一事此時亦無庸與陝

甘官兵對質總之退散情形毋論先後皆有應得之罪惟當就該官兵實在情節訊明定擬具奏

二十日

壬戌

德楞泰全保方維甸薛大烈奏言

臣

等連日傳到寧陝案內辭伍遞籍之洪貴張學科伍正元羅洪陞屈辛成楊明周貴陳國順八名到案查訊均係辭伍遞籍在先誠如

聖諭與聞知換防脫逃者情罪尙覺有間應卽遵

旨將該八犯發往黑龍江給兵丁爲奴又拏獲歸伍
後脫逃叛匪熊玉一名於訊明後卽行正法其
餘仍飭嚴行通緝分別辦理至此項降匪該管
員等並不先期報明率准辭伍遞籍亦未稟報
應卽查明職名咨部議處至永遠防戍降匪現
在造具年貌清冊卽分別飛咨新疆各該城辦
事大臣查照內有派赴烏什之寧陝城守營降

匪張元友一名於起程時潛逃現亦嚴緝於獲
日即行正法應於冊內扣除奏入報

聞

同日德楞泰全保方維甸又奏言

臣

等前奉

諭旨將寧陝廳議建城垣一事覆查核辦查寧陝廳
原名五郎廳撫民同知駐扎管轄山內民人與
州縣無異從前捐修上堡卽係屬城其寧陝鎮

城在廳城迤南十里有餘地名老關口於添設
寧陝鎮總兵時始建鎮城與寧陝廳並不同城

臣

等前此查辦營制原因寧陝鎮兵必須大加

裁減祇留叅遊營分是以鎮城殘缺雖多祇須
修葺未請改建惟寧陝廳城係同知治所衙署
兵房倉庫監獄及商賈民人皆在其中現在全
行殘燬必須改建應請將寧陝廳城擇地移建

修築土城仍用灰土包築毋庸改建磚城惟留
壩爲南山要路該廳亦係撫民同知衙署兵房
倉庫監獄均須有城捍衛該處山高水急屢被
衝刷今擬請另擇形勝要地建築磚城較舊時
堡城收小建築不致糜費奏入

上從之

德楞泰全保方維甸又奏言

臣

等欽奉

上諭薛大烈奏官兵棚槽喂養馬匹是否可行著德
楞泰全保方維甸詳悉妥商奏聞辦理等因

臣等

伏查各營官兵馬匹例應自行喂養所領乾銀

春冬每日四分夏秋每日三分遇有草料昂貴

之時卽屬不敷雖馬兵祇養一匹而棚槽鋤刀

籠韁燈油各物皆不可缺需費較多不無賠墊

且因房屋窄小寄在他處喂養尤不能隨時照

料馬匹難免疲瘦致該兵轉以有馬爲累殊於
營伍無益若令棚槽喂養則數匹可共一槽數
十匹可共一棚鋤刀祇需一把燈油等項皆可
公用較之自行喂養所省不少若於秋收後草
料價賤之時成總預買存貯所省尤多專派弁
兵經管喂養隨時稽查馬匹亦易臙壯臣等公
同籌議事屬可行應請將陝甘兩省將軍督撫

提鎮各標協路營馬匹均令棚槽官爲喂養似
於兵丁馬匹均有裨益再西安滿營喂養馬匹
與綠營馬兵情形相同請一併官爲喂養以昭
體卹而示畫一奏入

上從之

二十三日 乙丑 德楞泰全保方維甸薛大烈奏言

正月十四日接據西鄉營遊擊張俊陞任知縣

李樞煥稟報十二日瓦石坪新兵聚集三十餘人搶去矛桿旗幟銀兩裹脅百餘人竄至大池壩屯紮並未戕官殺人燒燬兵房等情查瓦石坪係西鄉營分汛在定遠廳接連川省因係巴山老林通川之地設有守備一員千總一員外委二員兵三百名大半皆係新兵因何滋事未據切實查明或係該匪等尙未知綏定叛匪撲

滅妄思響應亦未可定頃復據陝安道陳祁差探該匪約有三百餘人由隴池場鍾家溝一路搶掠裹脅向細辛壩奔竄該處一帶地方與巴山老林相近北距漢中府一百七十八里南距四川亦祇一百數十里卽應派兵剿捕俾免蔓延前此綏定叛匪滋事時調派各兵均已停止現在臣等會同商酌就近先調漢中各營及留

防兵丁八百名臣薛大烈卽日帶領起程並帶

副將祝廷彪等先往剿辦仍檄總兵楊遇春挑

帶寧陝兵一千名由捷徑趕往會剿惟該匪現

竄之路處處接連川境恐賊匪聞知北面有兵

又思南竄已飛咨勒保卽令太平協副將羅思

舉迎來截擊現在漢中城內官兵多已派出城

守未免空虛臣等札行漢南附近各營派兵七

百名軍標兵五百名前來以資防禦並預備接濟策應之用倘或稍有蔓延再調前備之固原官兵相機進剿奏入

上命軍機大臣傳諭德楞泰勒保全保方維甸薛大烈曰德楞泰等奏接據西鄉縣文武稟報十二日二更時瓦石坪汛新兵聚眾三十餘人搶去矛桿旗幟銀兩裹脅百餘人竄至大池壩屯紮並未戕

官殺人亦未燒燬兵房復據陝安道陳祁探稟該
匪約有三百餘人一路搶掠裹脅向細辛壩奔竄
等語此項新兵因何起事摺內尙未據切實查明
旣云聚衆多人將矛桿旗幟銀兩大肆搶劫是業
已糾衆倡亂何以稱並未戕官殺人該處所設守
備一員千總一員外委二員彼時均在何處該汛
兵丁共有三百名除滋事三十餘人之外其餘二

百六十餘人是否尙知守法何以該官兵等不行
剿捕該匪沿途襲脅有三百餘人向細辛壩奔竄
究欲竄往何處其爲首者係屬何人前日甫有緝
定新兵滋事之案辦理完竣而刻下又有此案看
來各處新兵均未免因德楞泰辦理寧陝一案失
之寬縱以致紛紛效尤不可不示懲創以昭炯戒
現在該匪等所竄地方與巴山老林相近若不及

早殲淨稍致蔓延辦理恐又費手摺內稱薛大烈
楊遇春已先後帶兵一千八百名分投會剿猶恐
兵力稍單辦理延緩德楞額泰自當卽行挑帶勁兵
親往督辦此旨到後著全保方維甸仍駐漢中辦
理地方事件及查辦方柴關潰兵之案德楞額泰迅
卽帶兵前往勿再遲逾伊於寧陝一案辦理失當
惟當勉贖前愆此次帶兵到時不但不可存招撫

謬見或賊匪畏懼乞降亦不可率予寬宥惟當將
首夥各犯悉數殲擒大申國憲方不致再有蠢動
尤不可任逃逸山內致稽時日至該處既接連川
境賊匪等聞知北面有兵或思南竄是川境防堵
事宜亦關緊要勒保現在綏定查辦該處叛案未
能親至邊界著卽迅派得力將領如桂涵羅思舉
等挑帶官兵速赴川陝邊界地方迎頭會剿以期

兩面合擊剋日辦淨不致逃竄漏網是爲至要仍
著德楞泰等先將滋事緣由查明速奏